

嵯縣志

余銘宋題



嵎縣志卷十九

列女志

節孝

貞烈

賢媛

剡志列女旌者書獎者書生存以俟褒揚者書焉視他志例少寬矣而其義則大有裨於風教非濫也蓋古之傳列女者自劉向班昭已來至明永樂中解縉奉勅撰次之而閱者恆病其簡略其所据者史志而已爾若夫苦節多出自寒門貞烈橫罹於浩劫其事往往爲輶軒採訪之所遺故列女之見於史志者千萬中無一二焉然國史旣失之略而家乘或失之濫賴有方志徵信於官牘而蒐訪於閭閻斯固中壘之嗣音而發潛闡幽之微旨矣故是編所書一仍舊志之例其名存而事佚者並附錄焉作列女志

節孝一

晉

公孫夫人佚其夫姓名以節操聞鈕滔母孫夫人爲作序贊

贊曰猗歟夫人天資特挺行高冰潔操與霜整性揚蘭房德振玉穎猗彼瓊林奇翰有集展彼碩媛令德來緝動與禮遊靜以

義立

序贊均見藝文

南北朝

韓節婦朝韓靈珍妻靈珍死母族謀奪其志朝慮被劫終身不歸
寧夫弟靈敏重其節事之如母

齊

陳婺妻少與二子寡居好飲茗以宅中有古塚每飲先祀之二子
以母勞苦欲掘去母禁而止夜夢一人曰吾止此二百餘年賴
相保護又饗吾佳茗雖潛壤朽骨豈忘翳桑之報及曉於庭內

獲錢十萬於是禱酹不輟氏年九十餘終

元

王伯哭妻袁氏早寡誓死苦節以終

竺宗海妻韓氏年二十而寡家貧藉紡績事翁姑撫遺孤編修許汝霖爲之傳

錢尙娶妻吳氏年二十五寡生元明易代之時翁莊以宦遊多累氏支應門戶教養諸子有方人咸稱之

明

張彥聰妻范氏彥明妻錢氏范名佛壽年二十一適彥聰五年生子甫匝歲而夫卒錢名德善年二十九子尙襁褓而夫亦卒家貧相與紡績養舅姑撫遺孤舅姑相繼死棺殮俱以禮會兵興喪不能舉兩氏日夜號慟鄰人憐之爲舁櫬葬先塋之側乃各

攜孤廬墓次脩祀事唯謹邑人重之名葬地曰張墅有司以聞
洪武二十一年表曰雙節之門范年八十六錢年八十二合葬
遊謝鄉

錢尙質妻邢氏年二十九寡性嚴毅勤於操作撫孤成立計守節
三十六年

謝源妻袁氏年十九歸源事舅姑孝謹十年源卒守節課子廉登
景泰甲戌進士歷官河南參議詔旌之 謝廉舊志作濂今據
通志郡志改正

應源妻錢氏名宜字妙真剡源鄉錢信一女性專靜贅源於家源
歸疾卒宜時年十九偕母往祀殮哀毀不欲生母促之歸宜曰
此兒家也焉歸耶朝夕哭奠已而營夫墓命造兩穴明無他志
旣葬母復促之歸勸以嫁不可令隣媼諷焉又不可母再強遽

引繩自縊母知其志不可奪聽歸應氏立叔氏子則民爲後與
繼姑董相依以守事之甚謹宏治己酉年八十餘卒有司以聞
詔旌其廬

儒士錢深妻竺氏夫以公事沒於淮氏勵松柏之操顛沛不渝夫
沒時氏年三十計守節三十一年

儒士錢滂妻竺氏年二十寡性嚴正人敬憚之撫三子成立俱能
讀書以淹博稱計守節四十七年

錢梓妻呂氏

錢善守妻商氏年二十九寡守節二十三年

錢耦妻張氏年二十八寡撫周歲子成立事邁翁久而能敬計守
節二十餘年

錢肺妻劉氏年二十寡撫姪爲嗣教養備至計守節三十四年

沈璩妻徐氏

求文慶妻張氏先後並以節聞

生員錢德黼妻謝氏年二十五寡事翁姑克誠克敬撫貌完貞後

嗣克昌

錢遵寶妻呂氏年二十二寡事姑甚孝子方生撫以成立計守節二十餘年

錢禮賓妻周氏

錢如儀妻鄭氏夫故時氏年二十二守節四十四年

錢慶鸞妻史氏年二十七寡守節二十四年

姚仍妻孫氏年二十七守節姑病瘋氏謹事之始終如一成化中

邑令許岳英以聞詔旌之

周璉妻俞氏年十七守志撫襁褓孤倭寇內犯歲又大侵氏紡績

供饗殮備極艱辛姑疾衣不解帶者一年詔旌其閭年八十卒
董和妻姜氏夫亡守志課子子行讀書成萬曆丁丑進士官御史
巡按山西陝西請於朝奉詔旌表累受封典卒年七十餘

吳振宸妻劉氏早年守志萬曆間旌年八十餘卒府志作振宸

夏統妻葉氏年十九寡卒年七十八萬曆間旌

吳有本妻石氏夫病刲股不效時年二十守志終身足不踰戶外
家貧郡邑歲給粟帛巡按御史謝某題旌之年八十餘卒一日
題匾忽墜家人徙之他所未幾室燬而匾獨存

進士龔璉妻佚其氏以節名璉字廷器永樂二十二年甲辰進士
據李志選舉志補

王瓊妻石氏新昌石彥遠女子歸四年瓊父嗣仁以事被逮瓊詣
縣請代得允至京病卒子文高生二月矢志鞠養事祖姑黃姑

龔甚謹以節孝名

王慕妻陳氏年十八夫故守志

王訓妻韓氏年十八寡

王應坤妻李氏年十八寡

王莊妻張氏名玘年二十七寡

諸生王應星妻施氏年十七寡

王和賓妻姚氏

王繼遷妻俞氏以上二人皆年十九守節並享高年有司表其閭

丁一松妻童氏年二十一夫亡子起說甫六齡家貧氏守志撫之

課讀成諸生天啓間邑令劉永祚表其門

裘純忠妻俞氏三乳五子志鏢志鉉志銓志銘志鑑氏年二十八夫故欲殉五子泣免終身茹素課子不少寬假後鏢鉉補博士

弟子有聲士林清知縣羅大猷給畫荻風徽額獎之
張元國妻錢氏年二十七夫死守節知縣劉永祚獎之

張承傳妻朱氏結褵年餘夫亡撫遺腹子友應守節六十年知縣
張時暘表曰節凜冰霜

邢鑑妻吳氏李志作陳氏自鑑以下諸邢俱係明人而李志與府
志皆作清代今據邢氏譜改正

邢鎮妻史氏

邢釵妻吳氏與鎮妻妯娌也皆以節孝著邑令許岳英題其居曰
三節堂

邢便善妻商氏年二十一寡

邢本肅妻朱氏年二十六寡與便善妻皆無子守志邑令劉永祚
鄧藩錫兩表其里

盧允中妻許氏年二十六允中任西寧衛知事死難氏疏食布衣
堅持苦節撫孤成立

盧允端允中弟妻黃氏年二十四守志如其妣俱八十餘卒稱雙
節焉

董能八妻黃氏會稽人夫亡無子以苦節著

姚安輝妻吳氏年二十夫亡遺腹生一子矢志守節未幾子復天
乃撫其孫備嘗辛苦卒年八十

姚學基妻王氏年二十二夫亡上有耄姑遺孤尚在襁褓生膳死
葬育子娶媳皆藉給十指卒年七十七

周亮清妻錢氏

周琅妻呂氏以上二人俱年二十一守志撫孤以節孝稱

周謹妻張氏年二十六寡守志撫孤李志作馬氏今據周氏譜改

正

周亮德妻尹氏年十九夫死無子舅姑欲奪其志氏斷髮毀容誓靡他繼姪居沅爲後媳黃氏事之孝尹疾刲股合藥閭里嘉之李廷獻妻周氏年二十二遺孕甫二月舅姑年並七十餘無伯季可依氏矢志自守小姑適新昌富室利其有屢諷之嫁謂孕未必男男未必長氏指天誓曰孕卽非男男卽不長吾無他志紡績贍舅姑彌月生子振才越六年舅姑相繼沒小姑復諷之曰是兒孱弱未必保盍早爲計氏矢志益堅至鬻產盡凍餒交迫不惜也卒年九十小姑生四子俱暴亡及卒振才爲治殮鄉黨傳以爲鑒

李光堯母胡氏夫亡三子皆穉家徒四壁氏工紡織無膏火則拾松脂然之夜分猶聞絡緯聲貿布市棉輾轉得微利以資生活

及光堯稍長率兩弟力耕燒炭漸可自給光堯乃讀書鹿山先
爲兩弟完婚母病刲股以療及歿廬墓終喪鄉里稱節母孝子
裘純啓妻王氏年二十七寡守節二十年府志作王純啓妻裘氏
鄭郊妻王氏年二十一寡
吳梓二妻詹氏年二十一寡
鄭蕃一妻諸氏年二十七寡
鄭景六妻鮑氏年二十八寡
鄭本深妻胡氏年二十三寡守志全貞以壽終
金汝發妻鄭氏家赤貧夫亡依居母家紡績餬口饗殮恆不繼其
苦節尤倍於常云

諸生裘煒妻王氏年二十六寡課子芬補弟子員守節四十餘年
裘毓國妻袁氏年二十七夫亡撫孤成立以節著

鄭思讓妻董氏名淑英夫亡不事容飾雖親戚妯娌鮮所接見晚

年持節益堅

邢堯妻商氏夫死以節著

邢淙妻張氏

邢鑄母錢氏以孝三人皆青年守志李忠並入清代今據邢氏譜

邢改正妻呂氏

張瑾妻王氏

張化妻邢氏並青年矢志府志李忠俱作張修且俱入清代今據

張氏譜改正

支侃九妻張氏年十九侃九以王事卒京師氏誓不立夫撫孤成

立子永昇出就外傳氏手定句讀歲饑出粟以賑

袁應吉妻金氏夫死守志

鄭式三妻何氏夫亡家貧以節著

鄭秀一妻董氏夫死守志以節著

袁祖典妻張氏刲股救姑姑病痊奉養十餘年而終邑諸生周統

李茂先具呈由縣申憲額表其廬

訓導張軫妻姜氏以節著邑令林誠通表其閭且貽人貲升令新

邢浣妻張氏年二十四寡

邢克嘉妻呂氏守節邑令朱一柏表之

邢正謨妻錢氏畢姻甫四月而夫亡守節邑令文章典表之

邢于衛妻王氏

諸生邢于翰妻錢氏俱以節著邑令劉永祚表之

邢于甸妻錢氏守節邑令鄧藩錫表之

鄭忠一妻王氏年二十一夫亡守節卒年七十二邑令林岳偉表

其廬

邢叔嘉妻鄭氏

邢如登妻張氏

邢宗璞妻史氏

邢鳳巒妻俞氏

邢克熙妻姜氏

邢開宗妻過氏

邢堯化妻吳氏

邢秉倫妻尹氏

邢大學妻商氏

邢公袞妻應氏

邢大器妻商氏

邢舜京妻竺氏

邢舜恩妻錢氏

邢舜齡妻金氏

邢良巒妻韋氏

邢正朋妻張氏

邢登起妻錢氏

邢和德妻錢氏以上十八人皆清苦守節以終

邢饒妻張氏年二十寡

邢仲溫妻相氏年二十三寡

邢林宗妻錢氏年二十七寡

邢貴琮妻周氏年二十六寡以上四人皆以節著

邢濛妻謝氏以節壽稱諸文人作詩歌以表揚之名曰表貞集